



For a synodal Church
communion | participation | mission



Gid pou
Patisipan

THE ROMAN CATHOLIC
ARCHDIOCESE OF
ATLANTA

Gid pou Patisipan

*Pou tout moun kap patisipe nan sesyon ekout ki konsantre sou lapriyè kap fèt nan ti gwoup nan Achidyosèz Atlanta a**

Sinòd la sou kesyon Sinodalite

Pou yon Legliz Sinodal: Kominyon, Patisipasyon ak Misyon

*"Paske, chak fwa de ou twa moun mete tèt yo ansanm nan non mwen, map la nan mitan yo."
(Mt 18:20)*

... Nap raple ke objektif Sinòd la, e kidonk rezon ki fè nou fè konsiltasyon sa a, se pa pou n pwodui dokiman, men "pou plante rèv, trase pwofesi ak vizyon, pou pèmèt lespwa epànwi, pou enspire konfyans, pou panse blesi yo, pou met tèt ansanm pou tise relasyon, fè douvanjou lespwa leve, pou youn aprann sou lòt epi pou kreye yon mwayen pozitif ki pral ilimine lespri yo, rechofe kè yo, bay men nou fòs..."

Dokiman Preparatwa, nimewo 32 (sitasyon Pap Franswa, Diskou nan Ouvèti Sinòd Evèk yo konsakre pou Jèn yo [3 oktòb 2018])

* Adaptasyon baze sou Resous Sinòd Pawas la (Parish Synod Resources) ke Achidyosèz Washington lan te devlope.

Tabmatyè

Entwodiksyon: Fè Chimen Ansanm.....	4
Istwa sinòd yo nan Legliz Katolik la	5
Kisa sinodalite a ye?	6
Kalandriye Sinòd la	8
Enfòmasyon Jeneral sou Sesyon Ekout ki Konsantre sou Lapriyè	9
Opsyon demi jounen nan samdi	9
Opsyon leswa sou twa semèn	10
Règ debaz pou patisipan yo respekte ak pwosesis ti gwoup	11
Kesyon pou sesyon ekout yo – ti gwoup yo	12
<i>Kesyon Fondamantal la</i>	<i>13</i>
<i>Kesyon pou Apiye</i>	<i>13</i>
<i>Kesyon pou Konklizyon – Koute Lespri Sen an</i>	<i>14</i>
Priyè pou Sinòd la: <i>Adsumus Sancte Spiritus</i>	16
Tèm ki nan Glosè a	17

Entwodiksyon: Fè Chimen Ansanm

Legliz Katolik la annantye gen kòm obligasyon pou l patisipe nan Sinòd Evèk ki pral fèt la, ki rele: *"Pou yon Legliz Sinodal: Kominyon, Patisipasyon ak Misyon."*

Sinòd se yon mo grèk (*synodos*) ki vle di yon rankont oswa yon asanble nan izaj kouran. Mo sinòd (*synod*) la konpoze ak 2 mo grèk ki se *syn* ki vle di "ansanm" ak *hodos* ki vle di "chimen oswa vwayaj." Alorijin, sinòd, ak tèm pi resan an ki se sinodalite, vle di *ansanm sou wout la oswa chimen nap fè ansanm.*

Pap Franswa lanse yon apèl pou l mande pou tout pèp Bondye a fè chimen an ansanm. Sinòd sa a se pa senpleman yon lòt rankont ak prezantasyon oral ansanm ak rapò yo ekri. Sinòd sa a se yon **pwosesis pou fè chimen ansanm.** Antanke Legliz, nou pral koute sa youn lòt gen pou di, nou pral kenbe yon dyalòg ant youn ak lòt, nou pral lapriyè ansanm, nou pral dekouvri ansanm epi nou pral pran desizyon ansanm pou nou pwoklame Levanjil Jezi Kri nan lemond !

Nan omeli li te pwononse nan Mès douvèti Sinòd la, Pap la te ankouraje nou pou nou kòmanse ak pwosesis sinodal la "pou nou poze tèt nou kesyon — nou tout, pap la, evèk yo, pè yo, relijye ak layik yo — asavwa si noumenm, kominote Kreytè lan, nou enkâne "estil" Bondye sa a, ki vwayaje sou chimen listwa e ki pataje nan lavi limanite." Sen Pè nou an ap mande nou pou nou "mache sou menm wout ak zòt, pou nou vreman viv 'twa vèb' ki karakterize yon sinòd: rankontre, koute ak disène."

Pwosesis sa a, yo jwenn li nan lapriyè paske sinòd la se "yon chimen disèneman espirityèl ki manifeste nan adorasyon, nan lapriyè ak nan dyalòg avèk pawòl Bondye a." Disèneman an se sa ki klere chimen an e ki gide sinòd la, "ki anpeche l vin yon konvansyon Legliz, yon gwoup etid oswa yon kongrè politik; men pakont yon yon evènman ki chaje ak lagras, yon pwosesis gerizon ke Lespri Sen gide. Menm jan li te mande nèg rich la nan lekti Levanjil la, Jezi ap mande tout moun pou n vide tèt nou, pou n libere tèt nou de tout sa ki materyèl, ikonpri fason nou gade pwòp tèt nou ak modèl pastoral demode yo, epi pou n mande tèt nou kisa Bondye vle di nou nan moman sa a, e nan ki direksyon li vle mennen nou." (Pap Franswa, 10 oktòb 2021).

Istwa sinòd yo nan Legliz Katolik la

Legliz la kap fè chimen ansanm nan yon sinòd, se yon ansyen pratik nan Lakreyènte ki anrasinen nan Ekriti Sent yo. Nan Travay Apot yo (chapit 15), nou tande ke Pyè ak Pòl te "byenveni nan Legliz la ak pami apot yo ak presbiteryen yo tou" (Travay 15:4) pou yo te ka koute, diskite ak disène ansanm sou kijan pou rekonsilye pratik relijye Jwif yo ak pratik relijye Payen yo. Se te apre anpil ekout, anpil diskisyon ak anpil lapriyè an silans pou l te rive koute vwa Lespri Sen an, ke Legliz la okòmansman te disène kijan pou l pwoklame Levanjil la bay tout moun.

Anpil Otorite nan Legliz la te ekri sou sinodalite nan Legliz okòmansman (c. 30 AD - c. 500 AD), ikonpri St-Jan Krizostòm ki limenm te ekri ke "Legliz ak Sinòd se sinonim yo ye" (Kòmantè sou Sòm 149; gade nan *Dokiman Preparatwa* nimewo 11). Legliz lokal yo rasanble ansanm ak evèk yo pou yo diskite koze ki gen rapò ak sityasyon lokal yo pandan tout premye milènè a. Pratik lokal sa a vin devlope an konsil pwovensyal (rejyonal) ak konsil inivèsèl (ekimènikal) ki rasanble evèk, manm klèje, relijye ak layik ansanm.

Pratik sinodalite a te kontinye jouk nan dezyèm milènè a, menm lè priz desizyon an, deplizanpli te rezève pou evèk yo ak Sen Syèj la. Dezyèm Konsil Vatikan an, yon konsil ekimenik, mete aksan sou kominyon Legliz la epi li rekipere imaj Legliz la antanke pelren pèp Bondye a kap fè chimen ansanm pou yo vin gen sentete. "...Gen yon sèl Pèp Bondye, e li mennen sitwayen l yo nan tout kous, pou l fè yo vin sitwayen yon wayòm ki denati selès e non pa terès. Pou tout fidèl ki epapiye atravè lemond vin an kominyon youn ak lòt nan Lespri Sen an..." (*Lumen Gentium* nimewo 13).

Pap St. Pòl VI te kreye estrikti modèn Sinòd Evèk yo nan lane 1965 apre fèmte Dezyèm Konsil Vatikan an. Pap Pòl te vle asire l ke kolaborasyon ak dyalòg ant evèk, teyolojiyen, relijye ak layik fidèl yo, te kontinye apre Dezyèm Konsil Vatikan an. Depi 1967, Legliz la òganize yon Sinòd Evèk apeprè chak detwazan pou egzamine yon pwoblèm ki afekte Legliz la. Nan chak sinòd sa yo ke yo òganize depi 1967, evèk yo te konsilte manm klèje, relijye ak layik. Ofèt, nan Sinòd sa yo, pè, djak, relijye ak layik yo te prezan epi yo te adrese evèk yo ak Pap la. Pandan ke "nouvo"aspè Sinòd aktyèl sa a, "*Pou yon Legliz Sinodal: Kominyon, Patisipasyon ak Misyon*," ap mande chak evèk dyosezen pou l koute ak konsilte ak twoupo l la sou tèm sinodalite a, pwosesis sinodal pou koute ak konsilte ak tout pèp Bondye a se yon ansyen pratik Legliz la.

Kisa sinodalite a ye?

Pandan tout pwosesis sa a, nou tande yap site tèm: sinòd, sinodalite ak pwosesis sinodal. Kisa mo sa yo vle di? Èske yo vle di menm bagay la?

Yon definisyon pratik kout pou Sinòd Evèk la se yon rasanbleman evèk ki

1. Ankouraje plis inite ant evèk yo ak Pap la
2. Bay Pap la konsèy sou bagay ki gen rapò ak lafwa ak moral ak disiplin Legliz la
3. Etidye kesyon ki konsène Legliz la nan lemond (c.f. *Kòd Dwa Kànon* c. 342).

Se sèlman evèk ki prezan nan rasanbleman sinòd la ki ka vote nan Sinòd Evèk la. Sepandan, klèje, gason ak fanm relijye, teyolojiyen, katechis, avoka kànon ak ekspè layik, yo tout patisipe nan rasanbleman sinòd la ak evèk yo epi yo bay konsèy yo.

Sinodalite ak pwosesis sinodal la se pa yon rasanbleman ni yon rankont evèk, ni yo pa bra administratif Legliz la. Depreferans, sinodalite se chimen ak pwosesis Legliz la antanke kominyon. Se kominyon tout batize kap koute youn lòt, kap dialoge youn ak lòt epi kap lapriyè ansanm pou yo ka tande vwa Lespri Sen an, etan nou tout ap chèche sentete epi pwoklame Levanjil la. Sinodalite enplike klèje, relijye ak layik kap koute e kap pale, kap lapriyè ak disène ansanm e kap plase espwa ak enkyetid Pèp Bondye a nan men ak nan kè evèk yo, ki yomenm, nan tèt ansanm ak Pap la, decide kesyon sou lafwa ak moral defason pou yo prezève lafwa ak fòtifye Legliz la atravè lemond.

An kèlke mo, si nap refere nou ak Legliz la antanke sinodal, sa raple nou verite debaz ke chak manm ki batize se yon sijè oswa yon ajan evanjelizasyon, ki ko-responsab pou misyon Legliz la.

"Sinodalite, nan pèspektiv sa a, byen plis pase selebrasyon rankont eklezyal e byen plis ke rasanbleman Evèk yo, oswa byen plis ke yon senp administrasyon entèn nan Legliz la; se '*modus vivendi et operandi* [fason pou viv ak fason pou ye] espesifik Legliz la, Pèp Bondye a, ke sinodalite a revele e li bay Legliz la sibstans li antanke kominyon lè tout manm li yo fè chimen ansanm, lè yo reyini ann asanble e lè yo patisipe aktivman nan misyon evanjelizasyon legliz la" (*Dokiman Preparatwa*, nimewo 10).

Pou yon Legliz Sinodal: Gid pou Patisipan

"Ofèt, Pèp sa a ke Pastè l yo rasanble ansanm, se Pèp ki adere ak depo sakre Pawòl Bondye a ke yo konfye Legliz la, li pèsevere konstaman pou l anseye Apot yo, nan kominyon fratènèl, nan wonp pen an, e nan lapriyè, 'konsa yo ka kenbe, pratike ak pwofese eritaj lafwa a, li vin tounen pou Evèk yo ak Fidèl yo yon efò inik komen" (*Dokiman Preparatwa*, nimewo 13). Sinodalite ak pwosesis sinodal la se pa angaje zòt pou pran desizyon sou pwoblèm atravè yon vòt palemantè. Ni se pa obektif primè sinodalite a pou l entwodui metòd demokratik nan Legliz la, kote majorite a decide kijan Legliz la pral aji. Sinodalite se pa pwomilge plan estratejik ni jere ministè pawas pastoral atravè objektif yo. Sinodalite se tout Pèp Bondye a kap fè chimen ansanm pou l pwoklame Levanjil Jezi Kri a epi pou l vin sen.

"Pastè yo, ke Bondye tabli pou aji antanke 'gadyen otantik, entèprèt ak temwen lafwa tout Legliz la,' pa dwe pè pou yo koute Twoupo yo konfye yo a. Konsiltasyon Pèp Bondye a pa vle di yon sipozisyon nan Legliz la pou nou konpòte nou selon dinamis demokrasi ki baze sou prensip majorite a, paske gen, sou baz patisipasyon nan chak pwosesis Sinodal, yon pasyon pataje pou misyon evanjelizasyon komen an e pa reprezantasyon enterè ki an konfli yo. Otreman di, se yon pwosesis eklezyal ki ka fèt sèlman 'nan kè yon kominote ki estriktire yerachikman.' Chak pwosesis Sinodal, kote yo rele Evèk yo pou yo vin disène sa Lespri a ap di Legliz la, pa poukont yo men nan koute Pèp Bondye a, ki limenm 'pataje fonksyon pwofetik Kris la tou' (LG, nimewo 12), se yon fòm evidan pou "fè chimen ansanm" sa a ki fè Legliz la grandi" (*Dokiman Preparatwa*, nimewo 14; al gade tou (*Lumen Gentium* nimewo 12; CCC, nimewo 91-93).


Etan nap anbake nan pwosesis sinodal sa a antanke Legliz lokal Achidyosèz Atlanta a, ann sonje pawòl Sen Pòl te voye bay Tesalonyen yo, " Pa antrave travay Sentespri a. Pa meprize moun kap di sa Bondye ba yo pou yo di. Men egzamine tout bagay; kenbe sa ki bon" (1 Tes 5:19-21).

Pou yon Legliz Sinodal: Gid pou Patisipan

Kalandriye Sinòd la

Sinòd global la, *Pou yon Legliz Sinodal: Kominyon, Patisipasyon ak Misyon*, se yon pwosesis ke Pap Franswa te lanse ann oktòb 2021, epi lap fini avèk yon rankont Sinòd Evèk yo ann oktòb 2023 (16^{yèm} Asanble Jeneral Òdinè Sinòd Evèk yo). Ou ka jwenn kalandriye detaye sou pwosesis Sinòd global la nan <https://www.synod.va/en.html>. Kalandriye ki pi ba a mete anfas sou patisipasyon Achidyosèz Atlanta a nan faz konsiltasyon dyosezen Sinòd la. Nap kontinye priye e nap kontinye ak enplemantasyon yo!

Kalandriye Achidyosèz Katolik Women Atlanta



Enfòmasyon Jeneral sou Sesyon Ekout ki Konsantre sou Lapriyè

Opsyon demi jounen nan samdi

(3 è e 15 minit **)

Ospitalite opsyonèl, echanj amikal ak anrejistreman (30 minit)

- Akèy, entwodiksyon ak priyè douvèti (10 minit)
- Enfòmasyon jeneral sou pwosesis sinòd la ak règ debaz pou patisipan yo respekte (10 minit)
- Opòtinite pou priyè ak refleksyon pèsonèl (25 minit)

- Pataj ak dyalòg ti gwoup (2 èdtan e 15 minit)
 - Kesyon Fondamantal (yo) [25-30 minit]
 - Kesyon pou Apiye [90 minit]
 - Priyè ak Kesyon pou Konklizyon [15-20 minit]
- Konklizyon ak priyè fèmte (5 minit)

***Se pawas/gwoup ki responsab pou fè aranjman sesyon ekout la ki pral deside sou orè espesifik yo.*

Enfòmasyon Jeneral sou Sesyon Ekout ki Konsantre sou Lapriyè

Opsyon leswa sou twa semèn

(90 minit chak semèn**)

Ospitalite opsyonèl, echanj amikal ak anrejistreman (30 minit)

Semèn En:

- Akèy, entwodiksyon ak priyè douvèti (10 min.)
- Enfòmasyon jeneral sou pwosesis sinòd ak règ debaz pou patisipan yo respekte (10 minit)
- Opòtinite pou priyè ak refleksyon pèsonèl (25 minit)
- Pataj ak dyalòg nan ti gwoup: **Kesyon Fondamantal** (35 minit)
- Konklizyon ak priyè fèmti (5 minit)

Semèn De:

- Entwodiksyon, priyè ak enfòmasyon jeneral sou sware a (10 minit)
- Opòtinite pou priyè ak refleksyon pèsonèl (25 minit)
- Pataj ak dyalòg nan ti gwoup: **Kesyon pou Apiye (1-2): Ekout ak Disèneman / Ko-Responsabilite ak Patisipasyon** (40 minit)
- Konklizyon ak priyè fèmti (5 minit)

Semèn Twa:

- Entwodiksyon, priyè ak enfòmasyon jeneral sou sware a (10 minit)
- Opòtinite pou priyè ak refleksyon pèsonèl (25 minit)
- Pataj ak dyalòg nan ti gwoup: **Kesyon pou Apiye (3): Lapriyè & Selebrasyon / Lapriyè Sent Espri a ak Kesyon pou Konklizyon** (40 minit)
- Priyè fèmti (5 minit)

***Se pawas/gwoup ki responsab pou fè aranjman sesyon ekout la ki pral deside sou orè espesifik yo. Yo ka adapte tèm ak kesyon yo.*

Règ debaz pou patisipan yo respekte ak pwosesis ti gwoup

Prensip Kle pou Kominike ak Koute Yon Fason ki Efikas

P – PRIYE epi MEDITE anvan e apre w fin pale. Mande Granmèt la pou l antre nan kè w, nan tèt ou ak nan bouch ou lè w kòmanse pale. Epi tou, medite sou sa yo pataje a e sou sa Granmèt la ap mete sou kè w.

R – Ou RESPONSAB pou pwòp panse w ak pwòp santiman w yo, evite tantasyon pou lage blâm sou zòt. Se menm jan an, sonje ke w pa responsab pou sa zòt panse oswa pou santiman yo nan gwoup ou a. Nan yon kontèks kote moun ap koute ak pataje, pagen pwoblèm si nou varye panse ak santiman nap pataje yo.

A – AKSEPTE pèmèt zòt pale ak pataje sa yo gen pou di san w pa korije ni kritike yo. Si w pi ouvè e si w pi konvenkan nan konvèsasyon, li ta pi bon si w te ka koute plis epi pèmèt sa ki pa abitye pale yo pou pale anvan. Nou espere tandè sa tout moun gen pou di nan pwosesis sinodal sa a, sitou moun ki pa fè pati majorite a.

Y – Ou dwe gen YON atansyon patikilye parapò ak sa w panse, ak sa w santi, ak opinyon w oubyen menm ak prejije w yo. Mande tèt ou "Poukisa m santi m konsa a oswa m panse konsa?"

E – Koute ak KONPASYON, epi rete atantif, pa sèlman ak mo yo di yo, men ak santiman yo ekspriye yo tou. Eseye mete tèt ou nan sityasyon moun kap pale a pou ka ede w vreman santi sa moun nan santi a.

R – RESPEKTE tout moun jan Jezi te anseye nou: *se pou youn renmen lòt*. Evite minimize oswa neglije panse oswa eksperyans lòt moun. Toujou chèche kontwòle emosyon w lè wap pale e lè wap koute, fè prèv jantiyès ak jenewozite vizavi zòt.

Sesyon ekout ki konsantre sou lapriyè yo se sèl bon opòtinite pou koute ak pataje, prensipalman nan fòm ti gwoup. Objektif la se pa pou n diskite ni fè deba, men depreferans pou n priye epi bay tout moun opòtinite pou koute ak pataje. Yon metòd pou envitasyon se yon fason pou enkli tout moun nan konvèsasyon an nan yon atmosfè ki bay anpil respè. Lè chak moun ap pale, zòt fèt pou koute. Piga okenn moun entewonp moun kap pale a ni okenn moun pa ka pran lapawòl san yo pa envite l/san ke moderatè a pa ba l pèmisyon. Sizoka ta gen yon sèl moderatè pou plizyè ti gwoup, jan yo dekri l nan plizyè sesyon ke nou mansyone pi wo a, patisipan ki bò tab la ka pataje sa yap pataje a atoudewòl, yo ka chwazi sote tèt yo si yo ta pito pa pataje nan yon moman an patikilye. Sizoka ta gen yon moderatè tab antanke volontè ki prezan, moun sa a ka ede asire ke chak moun ki nan ti gwoup la gen yon opòtinite pou l pataje.

Wòl Moderatè Tab ak Moun Ki Pran Nòt yo

Wòl moderatè tab yo, si yo itilize yo, se pou ede gide konvèsasyon yo. Tanpri, koute enstriksyon yo. Yo pral eseye fè ansòt ke tan pataj la pase kòmsadwa, epi yap siveye lè yo bay pou sa a, defason pou chak moun ki nan ti gwoup la ka pataje enspirasyon ak pèsepsyon yo resevwa pandan tan meditasyon ak priyè a

Ap gen yon sekretè volontè kap pran nòt sou chak tab. Nòt yo ap rete anonim. Nòt yo pran nan tout ti gwoup ki nan sesyon ekout ki konsantre sou lapriyè yo pral ede w kreye yon rapò somè pawas/gwoup la (yon rapò pou chak pawas/gwoup, ki konbine tout lapriyè ak tout eksperyans ekout ak patj yo). Yo pral voye rapò rezime pawas/gwoup sa a bay Ekip Sinòd acheveche a ki limenm pral kreye yon rapò achidyozezen ki baze sou rapò pawas/gwoup yo sou rasanbleman rejyonal yo e sou opinyon yo rekeyi nan sondaj ki fèt anliy yo e ki fèt nan lòt rankont yo.

Kesyon pou sesyon ekout yo – ti gwoup yo

Nou ofri kesyon suivan yo kòm kesyon prensipal pou gide sesyon ekout ki konsantre sou lapriyè yo pou pawas/kominote nan Achidyosèz Atlanta a. Pawas yo oswa lòt gwoup yo ka adapte oswa modifiye kesyon yo selon peryòd la, selon sikonstans ak bezwen yo. Si yo fè kèk adaptasyon, nap ankouraje kominote yo suiv tèm ak kesyon yo sijere nan Dokiman Preparatwa Sinòd la ak nan Vademecum la kòm yon gid (gade kesyon opsyonèl yo sijere pi ba a tou). Ap gen yon sondaj anliy kap konplete opinyon yo pran nan sesyon ekout ki konsantre sou lapriyè yo nan pawas/kominote a ak nan rasanbleman rejyonal yo. Tanpri, ale nan archatl.com/synod pou ka jwenn plis enfòmasyon ak ranpli sondaj la anliy.

Kesyon Fondamantal la

***Yon Legliz sinodal, lè lap anonse Levanjil la, "li fè chimen ansanm."
Kijan "fè chimen ansanm" sa a ap fèt jodiya nan pawas/kominote nou an?
Kijan Lespri Sen an ap envite pawas/kominote nou pou l grandi nan "fè chimen ansanm" lan?***

- Kisa "fè chimen ansanm" reprezante pou ou? Ki eksperyans ki vin nan tèt ou?
- Kisa ki te ba w lajwa nan pawas/kominote nou an? Ki difikilte ak obstak parapò ak fè chimen ansanm, oswa parapò ak patisipasyon aktif ak dinamik nan lavi pawas/kominote a, ke w te rankontre?
- Ki kote nan eksperyans sa yo ke w tande Lespri Sen an ap envite kwasans?

Kesyon pou Apiye

(1) Ekout ak Disèneman

Ekout se yon premye etap ki mande yon espri ak yon kè ouvè, san prejije. Disèneman nan yon estil sinodal, ki mande anpil atansyon a Lespri Sen an atravè priyè ak pataj kominote antyè a, depann tou dabò sou ekout.

- Kijan w tande vwa Bondye toulejou?
- Kijan Bondye pale avèk nou atravè vwa ki pami nou yo, ikonpri sa ki nan periferi yo (moun ki pòv, ki majinalize, ke yo ekate sosyalman, sa ki pa afilye, elatriye)? Kijan nou koute vwa ki soti nan periferi yo san prejije?
- Ki espas pawas/kominote nou an bay pou n koute ak pataje (pale lib) pami tout manm yo e pami moun ki pa konekte regilyèman ak kominote nou an?
- Kijan nou ka ansanm disène volonte Bondye nan pawas/kominote nou an, e ki wòl konsiltasyon an jwe?

(2) Ko-Responsabilite ak Patisipasyon

Pou yon Legliz Sinodal: Gid pou Patisipan

Sinodalite osèvis misyon Legliz la kote yo mande pou tout manm yo patisipe. Tout sa ki batize yo ko-responsab pou ranpli misyon Legliz la—pou pwoklame Levanjil la epi pou yo fè disip pou Jezi Kri.

- Kisa ki pèmèt oswa ki anpeche w bay temwayaj ak pale avèk kouraj e responsabilite nan pawas/kominote nou an ak nan sosyete a?
- Kijan yo lanse apèl ak ankouraje tout manm pawas/kominote nou yo pou patisipe nan misyon Legliz la pou yo pwoklame Levanjil la?
- Ki obstak ou remake ki genyen nan apostola ak patisipasyon aktif ke w wè?
- Nan ki sans ke yo mete an pratik travay ann ekip ak ko-responsabilite pou misyon an nan pawas/kominote nou an?

(3) Lapriyè ak Selebrasyon

Sa ki santral pou "mache ansanm" se ekout kominal Pawòl Sent yo ak selebrasyon Ekaristi a.

- Kijan lapriyè ak selebrasyon litijik la, espesyalman Lamès Ledimanch, enspire ak gide pawas/kominote nou an nan lavi ak misyon nap pataje a?
- Kijan koute Pawòl Bondye a ansanm (paregzanp Lasent Mès, gwoup kap etidye Ekriti Sent yo, elatriye) enspire pawas/kominote nou an pran desizyon ki pi enpòtan yo?
- Kisa "Ekaristi a" reprezante pou ou? Kijan Ekaristi a enspire lavi w ak aksyon w yo?
- Kijan nou ankouraje patisipasyon aktif tout fidèl yo nan lapriyè, nan litiji a ak nan sakreman yo?

Kesyon pou Konklizyon – Koute Lespri Sen an

Pou yon Legliz Sinodal: Gid pou Patisipan

Pran 5 -10 minit pou lapriyè an silans ak ti gwoup ou a, lè w fin envoke Lespri Sen an ankò atravè yon lapriyè "Lespri Sen Desann" oswa atravè yon lapriyè enpwovize. Alèkile, apatide ti pataj ki fèt nan ti gwoup ou a, **site yon pèsepsyon kote w te tande vwa Lespri Sen jodiya a, oswa pataje yon pèsepsyon ki sou kè w lè w te fin lapriyè.**

****Kesyon Adisyonèl ki Opsyonèl** – Yo ka entegre kesyon sa yo nan kesyon ki anwo yo oswa yo ka adapte yo pou gwoup ki andeyò lavi pawas la oswa ki andeyò kad ministè a:

Sou Bondye ak Legliz Katolik la

- Ki panse ak ki eksperyans ki vin nan tèt ou lè w tande yo mansyone "Bondye"?
- Kisa yon relasyon avèk Bondye reprezante pou ou?
- Ki panse ak ki eksperyans ki vin nan tèt ou lè w tande yo mansyone "Jezi Kri"?
- Kisa yon relasyon avèk Jezi reprezante pou ou?
- Ki panse ak ki eksperyans ki vin nan tèt ou lè w tande yo mansyone "Legliz Katolik" oswa "ke yon moun Katolik?"

Dyalòg ak Relasyon avèk Zòt

- Èske w konnen kijan Legliz Katolik la ankouraje dyalòg ak kijan li dyaloge ak zòt? Kijan yo ka ranfòse sa?
- Èske w konnen fason Legliz Katolik la mache ansanm avèk lòt Kreyen? Kijan yo ka ranfòse sa?

Lòt Sijè ki Gen Rapò ak Sinodalite

- Kisa otorite reprezante pou ou?
- Kisa koute reprezante pou ou?
- Kisa disèmanman reprezante pou ou?
- Kijan nou ka kominike pi byen sou fason yo pran desizyon ak fè aksyon nan Legliz Katolik la?
- Sinodalite gen ladan aksepte pou fè chanjman, fòmasyon ak aprantisaj kontinyèl. Kijan w viv sinodalite nan lavi w toulejou?

Tanpri note: Sonje, [Dokiman Preparatwa](#) Sinòd la ak [Vademecum](#) lan gen plis kesyon posib ke gwoup yo kapab adapte.

Priyè pou Sinòd la: *Adsumus Sancte Spiritus*

Adsumus, Sancte Spiritus

Nou vin devan Ou, Lespri Sen

Priyè pou Envokasyon a Lespri Sen pou yon gouvènans asanble eklezyal
oswa pou disèneman (kidonk, sinodal)

Nou vin devan Ou, Lespri Sen, etan nou reyini ansanm nan non Ou. Se ou menm sèl ki se gid nou, vin pran lojman nan kè nou; Montre nou ki wout pou n fè epi oryante nou sou wout la. Nou fèb e nou se pechè; Pa kite nou pwovoke dezòd. Pa kite inyorans fè nou fè move chimen, ni nonplis tou pa kite pasyalite enfliyans zak nou poze. Fè nou jwenn nan Ou inite nou pou nou ka fè chimen ansanm vè lavi etènèl, e san nou pa elwaye nou de chimen verite a ak lajistis. Nap mande W tout sa, Oumenm kap travay tout kote ak tout tan, nan kominyon avèk Pè a e ak Fis la, pou dè syèk e dè syèk. Amèn.



SINÒD EVÈK YO

Chak sesyon Dezyèm Konsil Vatikan an kòmanse ak lapriyè *Adsumus Sancte Spiritus la*, ki se premye mo laten orijinal la, ki vle di, "Nou vin devan Ou, Espri Sen," ke yo toujou abitye itilize nan Konsil yo, nan Sinòd yo ak nan lòt rasanbleman Legliz depi dè syèk e dè syèk, e yo di se Sen Izidò nan Seville (c. 560 - 4 Avril 636) ki te kòmanse fè sa. Etan nap antame Pwosesis Sinodal sa a, priyè sa a envite Espri Sen an pou l fè zèv sou nou defason pou n ka vin yon kominote e yon pèp ki gen lagras. Pou chimen Sinodal la apatide 2021 jiska 2023, nap pwopoze pou n itilize vèsyon senplifye suivan yo, defason pou nenpòt gwoup oswa nenpòt asanble litijikal ka lapriyè l pi fasilman. Ou ka jwenn vèsyon orijinal *Adsumus Sancte Spiritus la* nan sitwèb Sinòd la.

Tèm ki nan Glosè a

Glosè sa a, se Sekretarya Jeneral Sinòd Evèk yo ki kreye li e ou ka jwenn li nan <https://www.synod.va/content/dam/synod/document/common/resources/Glossary.pdf>.

Otorite

Nouvo Testaman an itilize yon tèm espesifik pou eksprime pouvwa Jezi te resevwa nan men Papa a pou l bay sali, e Jezi te egzèse l sou tout kreyati nan pouvwa (δύναμις) Espri Sen an: ἐξουσία (otorite). Li transmèt lagras ki fè nou tounen "pitit Bondye" (cf. Jan 1, 12). Apot yo resevwa ἐξουσία sa a nan men Granmèt ki resisite a, ki voye yo ale anseye nasyon yo, lè yo batize yo nan non Papa a, Pitit la ak Espri Sen an ak lè li montre yo pou yo obsève tou sa Li te pase lòd pou fè. (cf. Matye 28, 19-20). Gras ak batèm, chak manm ki nan Pèp Bondye a resevwa yon pati nan otorite sa a, puiske yo resevwa "onksyon Lespri Sen an" (cf. 1 Jan 2, 20, 27), puiske Bondye ba yo leson (cf. 1 Jan 6,45) e puiske Bondye gide yo "nan laverite konplè" (cf Jan 16, 13). (ITC, Syn., no. 17)

Pa dwe gen okenn distans ni separasyon ant kominote a ak Pastè l yo - ki gen kòm devwa pou yo aji nan non sèl Pastè a - sepandan fòk gen yon distenksyon ant tach yo nan respwosite kominyon an. Yon sinòd, yon asanble, yon konsil pa ka pran desizyon san Pastè lejitim li yo. Pwosesis sinodal la oblije fèt nan mitan yon kominote ki yerachikman estriktire. Nan yon dyosèz, paregzanp, li nesèsè pou distenge ant pwosesis pou pran desizyon atravè yon egzèsis komen pou disèneman, konsiltasyon ak koperasyon, ak priz desizyon ki relve de kompetans Evèk la, ki limenm se garan apostolisite ak Katolisite a. Travay pou rezoud bagay yo se yon tach sinodal; desizyon se yon responsabilite ministeryèl. Yon egzèsis kòrèk sinodalite oblije travay pou ka gen yon pi bon atikilasyon ministè a onivo pèsònèl e onivo egzèsis kolejyal otorite apostolik ak egzèsis sinodal disèneman an sou bò kominote a. (ITC, Syn., no. 69)

Batèm ak Konfirmasyon

Batèm se sakreman ki pèmèt nou antre nan Pèp Bondye a, li libere nou de peche orijinèl la e se li ki fè yo adopte nou kòm pitit gason ak piti fi Bondye nan Kris. Batèm se idantite fondamantal

tout fidèl, ikonpri prèt, relijye ak moun layik yo. Pap Franswa dekri misyon chak moun ki batize antanke moun ki se yon disip misyonè nan mitan Pèp Bondye a, pou l pote limyè Levanjil la nan tout kwen ki gen nan lemond.

Grasa batèm yo, tout manm ki fè pati Pèp Bondye a vin tounen disip misyonè (cf. Mt 28:19). Tout batize yo, kèlkeswa pozisyon yo nan Legliz la oswa kèlkeswa nivo enstriksyon yo genyen nan lafwa a, se ajan evanjelizasyon yo ye, e sa pa ta lizay pou nou ta anvizaje yon plan evanjelizasyon kote se pwofesyonèl kap travay sou li sèlman pandan ke rès fidèl yo senpleman kwaze bra yo san yo pa fè anyen. Nouvo evanjelizasyon an mande pou chak moun ki batize vin pote kole pèsònèlman nan sa kap fèt. Se de tanzantan yo ankouraje chak Kreyten pou l pote kole kòm sadwa nan travay evanjelizasyon an; toutbon vre, nenpòt moun ki vreman santi lanmou Bondye ki sove, pa bezwen twòp tan ni anpil fòmasyon pou l ale preche pawòl lanmou sa a. Chak Kreyten se yon misyonè pouvi ke li atenn yon pwen kote li vin fasafas ak lanmou Bondye nan Jezi Kri: alèkile nou pap di se "disip" ak "misyonè" nou ye ankò, men depreferans nap di se "disip misyonè" nou toujou ye. Si nou pa konvenki, ann gade premye disip sa yo, ki, tousuit apre yo te fin kwaze rega Jezi, yo pati pou y al pwoklame li ak kè kontan: "Nou jwenn Mesi a!" (Jn 1:41). Dòm Samaritèn nan vin tounen yon misyonè imedyatman apre l fin pale ak Jezi epi anpil Samariten te kwè nan Jezi "poutèt sa madanm lan te di yo" (Jn 4:39). Sen Pòl tou, apre rankont li te fè ak Jezi Kri, "misye te pwoklame Jezi imedyatman" (Travay 9:20; cf. 22:6-21). Kidonk ki sa nap tann? (Evangelii Gaundium, nimewo 120) Se grasa sakreman konfirmasyon ke fidèl yo resevwa plenitid don Lespri Sen an. Avèk Konfirmasyon an, nou vin toupare pou ranpli misyon yo konfye nou lè nou te batize. Lespri Bondye ba nou an, pèmèt nou viv defason ki pi pwofon vokasyon primòdyal nou antanke pitit gason ak pitit fi Bondye kap "Bondye Papa!" (Women 8:15) Li pa rele nou sèlman pou ranpli misyon nou antanke pitit gason ak pitit fi Bondye, men pou nou envite zòt tou nan relasyon filyal sa a ak Papa a nan Kris, e se grasa Lespri Sen an ke nou ka patisipe.

Karis

Yo eksprime ἐξουσία (otorite) Bondye a nan Legliz la atravè divès don espiyèl (τα πνευματικά) oswa karis (τα χαρίσματα) ke Lespri Sen an pataje pami Pèp Bondye a pou nou ka bati yon sèl Kò Kris. Lè nap egzèse don sa yo,

Pou yon Legliz Sinodal: Gid pou Patisipan

fòk nou respekte yon objektif τάξις, defason pou yo devlope ann amoni ak pote fwi ke yo sipoze pote pou byennèt tout moun (cf. 1 Korentyen 12,28-30; Efezyen 4,11-13). Pami yo, se Apot yo ki gen premye plas - avèk yon wòl espesyal e primòdyal ke Jezi te atribye bay Simon Pyè (cf. Matye 16, 18f., Jan 21, 15ff.): ofèt yo konfyè yo ministè a pou yo gide Legliz la nan fidelite ak depositum fidei (1 Timote 6, 20; 2 Timote 1, 12.14). Sepandan mo χάρισμα a evoke tou karaktè benevòl e varye inisyativ lib Espri a ki akòde chak moun pwòp don li pou byen tout moun (cf. 1 Korentyen 12, 4- 11; 29-30; Efezyen 4,7), toujou nan kad soumisyon ak sèvis mityèl (cf. 1 Korentyen 12, 25): puiske pi gwo don an, don ki kontwole tout don yo, se lanmou (cf. 1 Korentyen 12, 31). (ITC, Syn., no. 18)

Legliz

Lè li konsidere pèspektiv eklezyolojik Vatikan II a, Pap Franswa te fè kwoki imaj yon Legliz sinodal antanke "yon piramid envèse" ki gen ladann Pèp Bondye a ak Kolèj Evèk yo, e youn nan manm yo, Siksesè Pyè, gen yon ministè inite espesifik. La a, somè a anba baz la. "Sinodalite antanke yon eleman konstititif Legliz la, ofri nou kad entèpretatif ki pi apwopriye a pou n konprann ministè yerachik la limenm.... Pou Jezi te ka fonde Legliz la, li te mete Kolèj Apot yo sou tèt li, kote ke Apot Pyè se "wòch la" (cf. Matye 16, 18), se limenm ki gen obligasyon pou l "konfime" frè l yo nan lafwa a (cf. Lik 22, 22). Men nan Legliz sa a, menm jan ak yon piramid ki envèse, tèt la anba baz la. Pa konsekans, moun ki egzèse otorite, yo rele yo 'minis', paske, nan siyifikasyon orijinal mo a, se yomenm ki pi piti pami yo tout" [68]. (ITC, Syn., no. 57)

Konsansis

Konsansis nan kontèks Pwosesis Sinodal la pa vle di inifòmite ni yon majorite demokratik. Sa ta inyore lefèt ke Lespri Sen an ka pale atravè pawòl yon sèl manm ki nan Pèp Bondye a oswa atravè yon ti gwoup. Okontrè, konsansis nan kle sinodal refere ak pwosesis pou youn koute lòt defason pou disènen chimen komen an ke Bondye mande nou suiv nan yon lespri kominyon, ke Lespri Sen an gide.

Konsiltasyon

Nan Sinòd ki te fèt anvan yo, yo te konn itilize kesyonè pou jwenn konsiltasyon e kesyonè sa yo tap sikile pami fidèl yo anvan yon rasanbleman Sinòd Evèk yo a Ròm sou yon sijè an patikilye. Sinòd kap fèt kounye a, ap chèche pou l elaji eksperyans "konsiltasyon an" defason pou l ka vanse vè yon Legliz sinodal ki tandè e ki angaje

tout Pèp Bondye a pi plis. Nan sans sa a, nou ka di aktyèlman "konsiltasyon" an ap pran fòm pou ka gen plis "patisipasyon." Sinòd Evèk kap fèt a Ròm lan pa reprezante sòm total eksperyans Sinodalite nan Legliz la ankò, men depreferans se kilminasyon yon pwosesis ki pran tan kote vwa Lespri a retanti sou tout Legliz la, onivo dyosèz la, onivo nasyonal, onivo kontinantal e onivo inivèsèl.

Kominyon

Sinodalite se yon ekspresyon ki reyèl nan Katolisite Legliz la antanke kominyon. Nan Legliz la, Kris la, prezan antanke Tèt la ki ini ak Kò Li (Efezyen 1, 22-23) detèl fason ke li resevwa nan men Li tout sa sali a reprezante. Legliz la se yon Legliz Katolik tou paske yo voye li pou tout moun, defason pou l rasanble tout fanmi imen an nan richès pliralite fòm kiltirèl yo, anba Seyèri Kris la, e nan linite Lespri Li. Chimen sinodal la ekspri e pwomouvwa nati Katolik li nan 2 fason: li montre fason dinamik plenitid lafwa ke tout manm Pèp Bondye a pataje epi li ede pou transmèt li sou tout moun e bay tout moun. (ITC, Syn., no. 58)

Rankont Dyosezen Pre-Sinodal

Chak Legliz lokal kilmine faz dyosezen an avèk yon Rankont Dyosezen Pre-Sinodal. Rankont sa a bay divès manm dyosèz la opòtinite pou yo rasanble pou yon selebrasyon litijikal, pou lapriyè ansanm, pou reflechi sou eksperyans Pwosesis Sinodal nan dyosèz la, pou yo koute opinyon moun souve yo, pou dialoge konsènan reyalyte aktyèl Legliz lokal la ak siy ki manifeste nan tan nap viv la, epi pou disènen apèl Lespri a pou dyosèz la parapò ak kwasans li nan konvèsyon sinodal. Byenke pifò nan pwosesis konsiltasyon pandan Faz Dyosezen an te fèt nan kominote espesifik yo ki anba Legliz lokal la, tankou pawas, ministè, gwoup jenès ak lòt gwoup ankò, objektif Rankont Dyosezen Pre-Sinodal la se pou l rasanble yon reprezantan nan chak gwoup nan tout dyosèz la, ikonpri gwoup minoritè yo ak sa ki nan periferi yo, epi pou pèmèt patisipan yo koute, reflechi ak disènen ansanm. Tousuit apre rezilta rasanbleman an ta dwe fè patide sentèz dyosezen an, jan yo dekri l nan Pati 4 Vademecum lan.

Ekip Sinodal Dyosezen

Wòl ekip Sinodal la se pou l enplemante, kowòdone ak sipèvize faz dyosezen Pwosesis Sinodal la sou lidèchip evèk lokal la, an kolaborasyon ak Moun ki Responsab Kontak nan Dyosèz la. Ekip sinodal la fèt pou l planifye sesyon ekout yo pou yo aplike yo onivo

Pou yon Legliz Sinodal: Gid pou Patisipan

lokal pou asire plis patisipasyon ke posib ikonpri ak moun ki pa fè pati majorite yo. Fòk yo fè efò espesyal pou angaje moun ke yo pa konn koute fasil nan Legliz la. Se ekip Sinodal la ki òganize kèlkeswa rasanbleman, evènman ak rankont ki kowenside ak Pwosesis Sinòd la. Objektif la se pou kreye yon eksperyans sinodalite otantik onivo lokal. Lè sesyon ekout yo fini, se ekip sinodal la kap responsab pou l elabore sentèz dyosezen an sou baz eksperyans yo ak opinyon yo resevwa nan men tout moun ki te patisipe yo.

Disèneman

Pwosesis Sinodal la enplike yon pwosesis disèneman ki oryante sou yon konsansis. Se youn ki kote sa lòt gen pou l di pou n disène kisa Bondye ap di nou tout. Jande disèneman sa a, se pa sèlman yon evènman ki fèt yon fwa, men yon fason iltim pou n viv, ki fonde nan Kris, etan nap suiv chimen Lespri Sen an montre nou, ki se viv pou pi gran glwa Bondye. Disèneman kominal la ede bati kominote kap devlope, ki solid pou misyon Legliz la jounen jodiya. Disèneman se yon gras Bondye bay, sepannan li egzije enplikasyon nou antanke moun nan fason ki senp: nan lapriyè, refleksyon, nan prete atansyon ak dispozisyon moun genyen nan kè yo, nan koute ak pale youn ak lòt nan yon fason ki otantik, serye e ki akeyan. Disèneman nan kle espirityèl sa a plante semans ki ka pote fwi fratènite, gerizon, kominyon, misyon ak anpil lòt bagay. Bondye vini pou l dirije ak enspire nou etan nap chèche volonte l.

Eklezyal

Sinodalite a se pakou a pou fè chimen ansanm lan ki koresponn ak nati pwofon Legliz la. Nan sans sa a, nenpòt Pwosesis Sinodal vreman eklezyal piske li anrasinen nan nati Legliz la e li nesèsman enplike chimen komen Pèp Bondye a ap fè.

Nap mache ansanm nan yon chimen sinodal ki mande nou pou nou fè plis kominyon youn ak lòt, pou n valse defason pou nou ka gen anpil patisipasyon nan misyon nou pataje a. Pou fè chimen sa a ansanm, yon prensip vital se "sentire cum Ecclesia: pou resanti, santi ak pèsevwa ann amoni ak Legliz la. Yo egzije prensip sa a, pa pou teyolojiyen sèlman, men pou tout fidèl; li ini tout manm Pèp Bondye a etan yap fè chimen pelerinaj yo. Se kle a pou "mache ansanm" yap fè a. (ITC, Syn., no. 56) Nou pa mache sou chimen sinodal la poukont nou tankou moun, pawas oswa dyosèz ki izole. Okontrè, sinodalite se chimen tout Legliz la fè

ansanm, e se yon eksperyans ke tout pèp Bondye a viv.

Episkopal

Yo itilize mo grèk episkopos la nan Nouvo Testaman an pou fè referans ak yon moun kap "siveye" twoupo Bondye a. Dirijan ki tap dirije premye kominote Kreyen yo se te siksesè apot yo, e siksesyon apostolik sa a kap kontinye jouk jounen jodiya a avèk evèk ke yo nonmen nan Legliz Katolik la. "Evèk yo egzèse otorite apostolik espesifik yo kidonk yo anseye, yo sanktifye e yo administre Legliz ki sou kont pastoral yo osèvis misyon Pèp Bondye a." (ITC, Syn., no. 56) Kidonk "Episkopal" fè referans ak misyon evèk la, ki limenm gide twoupo Kris konfyè l la pami kominyon tout Legliz la. Wòl evèk la se pa pou l reprezante somè yon piramid, men okontrè fòk li se moun kap sèvi fidèl ke yo konfyè l yo. Konferans episkopal yo se kò kolejyal evèk yo onivo nasyonal oswa entènasyonal pou pwomouvwa fratènite pami evèk yo ak linite pami Legliz lokal yo.

Instrumentum Laboris

Instrumentum Laboris la se "Dokiman Travay" ke yo itilize antanke baz pou diskisyon, entèvansyon ak echanj ki fèt nan Sinòd Evèk yo. Se yon dokiman ke Sekretarya Jeneral Sinòd Evèk yo pibliye. Kontrèman ak Sinòd anvan yo, pwosesis Sinodal kap fèt kounyeya pral enplike 2 vèsyon Instrumentum Laboris la. Gen yon vèsyon ke yo pal pibliye apre faz ekout onivo dyosèz la fin sentetize onivo nasyonal. Alèkile yo pral itilize premye vèsyon preliminè a antanke "Dokiman Travay" pou reyinyon kap fèt onivo kontinantal yo. Dapre travay faz kontinantal la, yo pral pibliye yon dezyèm vèsyon Instrumentum Laboris ki pral sèvi kòm baz pou reyinyon Sinòd Evèk yo ann oktòb 2023.

Legliz Lokal

Nan kontèks Pwosesis Sinodal la, "Legliz lokal" vle di chak dyosèz, epachi, òdinarya ak ekivalan kò eklezyal la. Legliz lokal la se premye nivo kote yo egzèse sinodalite a, li anglobe pawas, ministè, mouvman ak lòt kominote yo. La a, "manifestasyon pre-eminan Legliz la enplike patisipasyon aktif e konplè tout Pèp sen Bondye a nan selebrasyon litijik sa yo, espesyalman nan menm Ekaristi a, nan yon sèl priyè, sou yon lotèl, kote evèk la prezide, ansanm ak kolèj prèt li yo e ak minis li yo ki antoure l" [90]. (ICT, Syn., no. 77)

Pou yon Legliz Sinodal: Gid pou Patisipan

Lyen istorik, lengwistik e kiltirèl ki fasonnen kominikasyon entèpèsone nan Legliz lokal la e ki dekri karakteristik patikilye li genyen yo fasilite adopsyon yon estil sinodal nan egzistans toulejou li e yo se baz pou konvèsyon misyonè efikas. Nan Legliz lokal la, temwayaj Kreyen an ankane nan moun espesifik e nan sityasyon sosyal yo, ki pèmèt yon inisyasyon enstriktif nan estrikti sinodal ki yo menm sèvi misyon. Jan Pap Franswa souliyen l, "se sèl lè òganizasyon sa yo rete konekte ak "baz" la e yo kòmanse apati moun yo ak pwoblèm yap konfwonte chak jou yo, ke yon Legliz sinodal ka kòmanse pran fòm" [91]. (ITC, Syn., no. 77)

Koute

Pap Franswa te afime ke: "Yon Legliz sinodal se yon Legliz ki alekout. [...] Pèp fidèl la, Kolèj Evèk yo, Evèk Ròm nan: tout ap koute sa youn gen pou di lòt; epi yo tout ap koute Lespri Sen an." Men kijan Komisyon Teyolojik Entènasyon la eksplike wòl santral koute sa a genyen (ICT, Syn., no. 111):
Dyalòg sinodal la depann de kouraj, sètadi kouraj pou pale ak kouraj pou koute. Objektif la se pa pou angaje nan yon deba kote yon entèlokite ap eseye gen plis pwa sou lòt yo oswa pou yo kontrekare pozisyon yo ak agiman bris, men pito objektif la se eksprime kèlkeswa sa Lespri Sen an ta sanble ke li sijere ki apwopriye pou disèneman kominal, epi an menm tan pou lespri yo pou aksepte kèlkeswa sa menm Lespri Sen an ta sijere nan pozisyon lòt moun, "pou byen jeneral la" (1 Korentyen 12,7).

Misyon

Konstitisyon dogmatik Lumen Gentium lan etabli yon vizyon sou nati ak misyon Legliz la antanke kominyon, avèk presipozisyon teyolojik ki baze sou yon relansman sinodalite ki adekwa: konsepsyon mistik e sakramantal Legliz la; nati li antanke Pèp Bondye ki an pelerinaj atravè listwa nan direksyon patri selès la, kote yo onore tout manm li atravè vèti batèm avèk menm diyite ak pitit Bondye e kote yo konfyè yo menm misyon an; doktrin sakramantalite episkopa a ak kolejyalite nan kominyon yerachik avèk Evèk Ròm la. (ITC, Syn., no. 40)

Parezi

Parerzi vle di kouraj ke Lespri Sen ki vini an pote nan kè apot yo jou Pannkòt la. Se kouraj entèn sa a ki te voye yo al pwoklame Bòn Nouvèl ke Jezi se Seyè a san lakrentiv nan epòk Legliz Primitif la. Lespri Sen an ofri nou menm kouraj sa a pou nou ranpli misyon Legliz la jodiya.

Parezi a nesèsè nan Pwosesis Sinodal la defason pou nou pale avèk kouraj epi pou nou koute avèk imilite, selon enspirasyon Lespri Sen an etan nap vanse pi devan sou chimen an pou nou rive nan "nouvo faz evanjelizasyon" sa a kote Bondye rele nou (cf. ITC Syn., no. 121)

Parezi Lespri Sen an egzije de Pèp Bondye sou chimen sinodal li a se lakonfyans, lafranchiz ak kouraj pou li "antre nan pwofondè orizon Bondye" defason pou li "asire ke gen yon sakreman inite ki egziste nan lemond e kidonk lòm pa destine pou l sibi dispèsyon ak konfizyon" [169]. Eksperyans sinodalite yo viv e ke yo sibi se, pou Pèp Bondye a, yon sous pou jwenn kè kontan ke Jezi te pwomèt la, yon katalis pou yon lavi nouvo, yon tranplen pou yon nouvo faz angajman misyonè. (ITC, Syn., no. 121)

Patisipasyon

Yon Legliz sinodal se yon Legliz ki gen patisipasyon ak koresponsabilite. Nan egzèsè sinodalite li, Legliz la dwe eksprime patisipasyon tout moun, selon vokasyon chak moun, avèk otorite ke Kris te konfere li nan Kolèj Evèk la ke Pap la prezide. Patisipasyon an baze sou lefèt ke tout fidèl yo kalifye e yo mande yo vin bay youn ak lòt sèvis atravè don yo tout resewva nan menm Lespri Sen an. Otorite Pastè yo se yon don byen presi ke Lespri Jezi, ki se Tèt la, bay pou bati tout Kò a, se pa yon fonksyon yo delege ni yon fonksyon reprezantatif moun yo. (ITC, Syn., no. 67) Fòk distenksyon ki genyen ant vòt deliberatif ak vòt konsiltatif yo pa pèmèt nou souzestime opinyon ke moun yo eksprime ak fason yo vote nan diferan asanble ak konsil sinodal yo. Ekspresyon "votum tantum consultivum la", ki limenm endike pwa evalyasyon ak pwopozisyon nan asanble ki nòb sa yo, li pa adekwa si yo konprann li selon mwayen dwa sivil la nan tout diferan ekspresyon l yo [81].

Ofèt konsiltasyon ki fèt nan asanble sinodal yo vreman diferan, paske manm ki nan Pèp Bondye a ki patisipe ladan yo, yo ap reponn ak apèl Granmèt la, yo vin koute antanke kominote kisa Lespri a ap di Legliz la atravè Pawòl Bondye a ki rezonnen nan sityasyon yo, epi pou yo entèprete siy ki gen nan epòk nap viv la avèk zye lafwa. Yo mande Legliz sinodal la, tout kominote a, pami manm li yo ki lib e ki soti toupatou, pou l rasanble pou lapriyè, pou koute, analize, dialoge, disène ak ofri konsèy pou pran desizyon pastoral ki koresponn leplis ke posib ak volonte Bondye. Kidonk, lè yap vin fòmile pwòp desizyon

Pou yon Legliz Sinodal: Gid pou Patisipan

yo, pastè yo fèt pou koute atantivman opinyon ak eksperyans fidèl yo. Dwa kànon estipile ke, nan sèten ka, sèl lè yo ka aji se lè yo fin chèche ak jwenn diferan opinyon selon pwosedi ki tabli jiridikman yo [82]. (ICT, Syn., no. 68) An menm tan, chimen sinodalite a egzije yon pi gwo patisipasyon pase kantite ke lalwa prevwa a.

Pèp Bondye

Dezyèm Konsil Vatikan an konsantre l sou Legliz la antanke "Pèp Bondye." Selon prensip sa a, li klè ke Legliz la pa sèlman yon estrikti yerachik, men yon gwoup moun kap fè yon pelerinaj ansanm ke Bondye gide sou chimen li. Bondye fè nou ini youn ak lòt e se menm jan an li rale nou pou nou vin ini avèk Li: "Bondye pa fè fanm ak gason vin sen pou l sove yo antanke endividid sèlman san li pa mete yon lyen antre yo. Okontrè, sa fè l plezi pou l fè moun vin ansanm antanke yon sèl pèp, yon pèp ki rekonèt li nan laverite e ki sèvi li nan sentete." (Lumen Gentium, 9) Li te fè pèp sa a temwaye nan Izrayèl dabò, paske se Pèp sa a Li chwazi kòm Pèp Li e se avèk Pèp sa a ke Li te fè alyans an premye. Se grasa Jezi Kri ke chak moun e chak nasyon ka rantre nan Pèp Bondye a: "Ale fè disip pou mwen nan tout nasyon" (Matye 28:19). Bondye envite tout moun pou yo fè pati de pèp li an patikilye: "Men noumenm, nou se yon ras Bondye chwazi, yon bann prèt kap sèvi Wa, yon nasyon kap viv apa pou Bondye, yon pèp li achte. Li fè tou sa pou n te ka fè tout moun konnen bèl bagay Bondye te fè yo, Bondye ki rele nou soti nan fènwa a pou nou antre nan bèl limyè li a. Anvan sa, nou pa t menm yon nasyon. Men koulye a, nou se pèp Bondye a. Anvan sa, Bondye pa t gen pitye pou nou. Koulye a, li gen pitye pou nou." (1 Pyè 2:9-10) Misyon Legliz la se pou l rasanble Pèp Bondye a pandan tout vwayaj li a atravè listwa pou l ka jwenn Wayòm Bondye a. Nan sans sa a, Legliz la reprezante siy ak enstriman "linyon entim ak Bondye ak linite ant tout ras imen an" (Lumen Gentium, 1). Legliz la ap travay pou misyon Kris la, Bon Bèje a, ki fè tout limanite mete tèt ansanm nan limenm: "Mwen gen anpil lòt mouton ki pa nan pak sa a. Mwen gen pou m mennen yo tou. Ya tandè vwa mwen. Lè sa a, va gen yon sèl bann mouton ak yon sèl gadò." (Jan 10:16)

Pouvwa

Nouvo Testaman an itilize yon tèm espesifik pou ekspri pouvwa Jezi te resevwa nan men Papa a pou l bay sali, e Jezi te egzèsè l sou tout kreyati nan pouvwa (δύναμις) Espri Sen an: ἐξουσία (otorite). Li transmèt lagras ki fè nou tounen "pitit Bondye" (cf. Jan 1,12). Apot yo

resevwa ἐξουσία sa a nan men Granmèt ki resisite a, ki voye yo ale anseye nasyon yo, lè yo batize yo nan non Papa a, Pitit la ak Espri Sen an ak lè li montre yo pou yo obsève tou sa Li te pase lòd pou fè. (cf. Matye 28, 19-20). Gras ak batèm, chak manm ki nan Pèp Bondye a resevwa yon pati nan otorite sa a, puiske yo resevwa "onksyon Lespri Sen an" (cf. 1 Jan 2,20.27), puiske Bondye ba yo leson (cf. 1 Jan 6,45) e puiske Bondye gide yo "nan laverite konplè" (cf. Jan 16,13).(ITC, Syn., no. 17)

An tèm de pratik sinodal revitalize onivo Legliz inivèsèl, Sen Pòl VI beni te enstitye Sinòd Evèk yo. Se yon "Konsil pèmanan Evèk pou Legliz inivèsèl", ki depann dirèkteman e imedyatman de pouvwa Pap la, "ki bay enfòmasyon e ki ofri konsèy", e yomenm yo "ka jwi de pouvwa pran desizyon tou, lè yo konfyè pouvwa sa a bay yon Pontif Women"[41]. Objektif enstitisyon sa a se pou l kontinye bay Pèp Bondye a benefis kominyon ke li viv pandan Konsil la. (ITC, Syn., no. 41)

Sensus fidei

Onksyon Lespri Sen an vin manifeste nan sensus fidei fidèl yo [65]. "Pami tout batize yo, premye jiska dènye, pouvwa sanktifye Lespri Sen an ap travay, li ensite nou fè evanjelizasyon. Pèp Bondye a sen grasa onksyon li, e se sa ki fè li enfayib nan lakwayans (in credendo). Sa vle di ke li pa twonpe l nan lafwa, menm lè li pa ka jwenn mo pou l eksplike lafwa a. Lespri Sen an gide li nan laverite epi li kondui li vè le sali. Yon aspè nan lanmou Bondye genyen pou limanite, sèke Li bay tout fidèl yo yon ensten lafwa – sensus fidei – ki ede yo disène kisa ki reyèlman soti nan Bondye. Prezans Espri Sen an bay Kreyen yo yon sèten konatiralite avèk reyalyite divin yo, ak yon vizyon ki pèmèt yo asimile reyalyite sa yo defason entuitif" [66]. Nou remake konatiralite sa a nan yon "sentire cum Ecclesia: pou nou resanti, santi ak pèsevwa ann amoni ak Legliz la.

Yo egzije prensip sa a, pa pou teyolojiyèl sèlman, men pou tout fidèl; li ini tout manm Pèp Bondye a etan yap fè chimen pelerinaj yo. Se kle a ki pèmèt pou "mache ansanm" yap fè a67] (ITC, Sin., no. 56)

Siy tan yo

Dezyèm Konsil Vatikan an te pran yon etap desizif pou l kapitalize enpòtans Legliz la kap li "siy tan nap viv yo." Sa vle di ke Legliz la pa ranpli misyon li nan nenpòt sikonstans ki detache ak reyalyite ki gen nan lemond ki toutotou l yo. Okontrè, yo voye Legliz la

Pou yon Legliz Sinodal: Gid pou Patisipan

toupatou nan lemond defason pou l rasanble gason ak fanm nan tout epòk e nan tout kote pou sèvi Bondye ak sèvi youn ak lòt. Kidonk fòk Legliz la rete atantif vizavi nesessite, reyalite ak enkyetid lemond nan tout epòk defason pou l ranpli misyon li osèvis de limanite. Kidonk fòk Legliz la kapab idantifye siy tan nap viv yo nan limyè lafwa, defason pou l ka disène kijan Bondye ap rele l pou l reponn malgre sikonstans ak evènman ki gen nan chak peryòd tan. Evantyèlman, afè idantifye siy tan yo se yon fason pou konkretize solidarite pwofon ant Legliz ak limanite: "Lajwa ak lespwa, chagren ak anksyete ke moun nan epòk sa a konn genyen, espesyalman sa ki pòv yo oswa sa ki aflije nan nenpòt ki fason. Sa yo se lajwa ak lespwa, chagren ak anksyete ke moun kap suiv Kris yo konn santi. Vreman vre, nanpwen anyen ki otantikman imen ki pa rive sòlve yon eko nan kè yo." (Gaudium et Spes, 1)

Sinòd

Sinòd la se "pwogram evènman sinodal sa yo kote otorite konpetan yo mande Legliz la rasanble konfòman ak pwosedi espesifik ke disiplin eklezzyastik la etabli, e ki enplike tout Pèp Bondye a nan plizyè fason onivo lokal, rejyonal e inivèsèl, e se Evèk yo menm ki prezide li nan yon kominyon kolejyal avèk Evèk Ròm la, pou yo disène chimen nap vance a ak lòt kesyon patikilye, epi pou yo pran desizyon ak direksyon patikilye defason pou Legliz la ranpli misyon li genyen pou l evanjelize." (ITC, Syn., no.70)

Pwosesis Sinodal

Sinodalite a pa vreman yon evènman men yon cheminman ak yon pwosesis kontinyèl. Pwosesis Sinodal la sou sa Legliz la ap travay kounyeya, enplike tout Pèp Bondye a nèt. Li kòmanse ak yon faz dyosezèn ke yo dekri an detay nan Vademecum sa a, epi apres a yon faz nasyonal, yon faz kontinantal epi finalman yon faz kilminan pou Asanble a pou Sinòd Evèk yo kap fèt a Ròm.

Sinodalite

Sinodalite, jan Komisyon Teyolojik Entènasyonal ls defini l an 2018 la, se "aksyon Lespri a ki fèt an kominyon ak Kò Kris la e ki fèt nan chimen misyonè Pèp Bondye a." Pap Franswa dekri yon Legliz sinodal antanke "yon Legliz ki alekout e ki konnen ke ekout la reprezante plis pase sa l santi. Se yon ekout mityèl kote tout moun gen yon bagay pou yo aprann. Nou tout fèt pou n koute Lespri Sen an, espri Verite a pou nou ka konnen kisa Lespri a ap di Legliz la. [...] Se sa Granmèt la atann de Legliz twazyèm milènè a.

(Diskou nan komemorasyon 50yèm anivèsè Sinòd Evèk yo, le 17 oktòb 2015)

Sinodalite kreye opòtinite pou koute tout moun epi pou bay opòtinite pou moun yo koute Lespri Sen an ak koute Pèp Bondye a defason pou disène ansanm epi pou nou vance pi devan sou menm chimen an. Pap Franswa wè sa antanke yon mach nap fè ansanm kote youn ap akonpaye lòt sou chimen espiyèl la pou nou viv apèl nou resevwa pou n ranpli misyon nou nan kominyon youn ak lòt.

Vokasyon Tout Pèp Bondye a

Vokasyon tout Pèp Bondye sa a, kominote moun ki kwè nan Jezi Kri, se pou enstore Wayòm Bondye a. Tout manm Legliz la nèt, layik, relijiy ak klèje a selon pwòp karis ak wòl yo fèt pou kolabore nan responsabilite yo genyen pou ranpli misyon li. Konsil Vatikan II mande pou tout moun patisipe aktivman nan lavi Legliz la, lè yo mete anfas sou prensip responsabilite kolaboratif, konsiltasyon ak patisipasyon layik.

Layik yo gen yon wòl aktif pou l jwe nan lavi ak nan aktivite Legliz la. Aktivite layik yo tèmman nesèsè nan kominote Legliz yo ke san li, apostola pastè yo, an jeneral, pa ka vin efikas totalman kòm sadwa. (Apostolicam Actuositatem, 10)

Pastè yo sou bò pa yo tou konnen Kris la pat mete yo la pou yo pote poukont yo sou zepòl yo, tout misyon sali Legliz la vizavi lemond. Okontrè, yo entèprete l antanke obligasyon onorab ke yo genyen pou yo gide fidèl yo epi rekonèt sèvis yo bay la ak don karismatik ki fè yo konnen ke tout moun, selon pwòp wòl yo, kapab kowopere nan angajman komen sa a avèk yon sèl kè. (Lumen Gentium, 30)

Vademecum

Vademecum se yon tiliv yo ekri pou sipòte efò tout Pèp Bondye ap fè pou kontribye nan ekout la ak disèneman an ki se fondasyon pou Sinòd la nan Sinodalite. Se yon estimil ak yon gid pratik ki ofri kèk lide pou moun ke yo nonmen kòm kontak oswa ekip dyosezen (oswa pawasyal), e ki pran an konsiderasyon ke chak Legliz lokal gen pwòp kilti l, pwòp tradisyon l, pwòp istwa resan li ak pwòp resous li.

Vatikan II

Pap Jan XXIII te konvoke venteyinyèm konsil ekimenik la nan listwa Legliz la, kote li te rasanble tout evèk ki nan lemond ant 1962 ak 1965 pou yo vin nan Vatikan an. Nan diskou

Pou yon Legliz Sinodal: Gid pou Patisipan

douvèti Konsil la, men kijan Jan XXIII te karakterize objektif Konsil la:
Sa ki nesèsè jodiya sèke se pou tout moun resevwa nan epòk nap viv la tout doktrin Kreyen an, san pagen okenn pati nan li ki pèdi, e se pou yo fè sa avèk yon nouvo pasyon, nan

laserenite e nan lapè, nan konseptyalite ak ekspresyon tradisyonèl e presi sa a, ke yo prezante espesyalman nan travay Konsil.